

أندب بنوح دمعى مسفوح

رديت من درب اليسر دلوني كبر المغفر

\* \* \* \*

نوارس شوگ في صدري بلياً أجناح  
تسافر والدمع فوگ الجفن ذبّاح  
حنين وينزف بكثر الهموم أجراح  
وأنادي وينه كبر ابن امي دلوني

طال لفرگ وگلبي مشتگ

وما ظل بعد عندي صبر دلوني كبر المغفر

\* \* \* \*

أسولف وي روحى وأسرح بلظنون  
واكول اهلي غريبه عنى ما يدرون  
أريد أحببى ضعنى الساعه يتلگون  
أخاف أعتب ولكن ما يسمعونى

جيت بأيتام جفنى ما نام

دلالى يتلاه بجمر دلوني كبر المغفر

\* \* \* \*

على كرب المسافة وأحسب الخطوات  
واحس كل خطوة بيها تزامت عشرات  
على اذىال المصيبه أسحب الونات  
أصيح حسين جيتك يا ضوى اعينونى

أنزف هموم دمعى مسجوم

وكل لحظه تصعب من تمر دلوني كبر المغفر

\* \* \* \*

حفر وجهي العذاب وضأكت الأنفاس  
وذبل غصن الأمل مني ونزف لحساس  
أخاف حسين ما يعرفني أو عباس  
أنا الشيبيني دهري وخابت اذنوني

جسمي نحلان بصدري طوفان

يغلي بهمومي ويستعر دأوني كبر المغتفر

\* \* \* \*

بليالي الخوف چم قصة ارتوت بدموع  
وچم موقف بگی في خاطري مزروع  
قصص درب السبا تلهب وسط لضلوع  
كفايه اسياطهم لعبت على متوني

بكوفه وبشام مرت ايام

أمشي بفوادي المنكسر دأوني كبر المغتفر

\* \* \* \*

أخاف أحچي وأسولف والعتاب يطول  
ولا أروي حنيني وكلبي المعطول  
أريد اغسل ترابك من دمع مهمول  
ولا بطل مناخه ويخفت أونيني

بعيني فرات بصدري حسرات

وجروحي لا ما تنجبر دأوني كبر المغتفر

\* \* \* \*